

景元刻本濟生拔粹

九

海藏癰論萃英

瘡疹標本

昔睦親官十大尉病瘡疹衆醫治之王曰疹未出屬何藏府一
醫言胃氣熱一醫言傷寒不退一醫言在母腹中有毒錢氏
曰若言胃氣熱何以乍涼乍熱若言母腹中有毒屬何藏也
醫曰在脾胃錢氏曰既在脾胃何以驚悸錢曰夫胎在腹中
月至六七則已成形食母穢液入兒五藏食至十月滿胃脘
中至生之時口有不潔產母以手拭淨則無疾病俗以黃連
汁墜之方下臍糞及涎穢也此亦母之不潔餘氣入兒藏中
本先因微寒入而成瘡疹未出五藏皆兒病證內一藏受穢
多者乃出瘡疹初欲病時先呵欠頓悶驚悸乍涼乍熱手足
冷面腮赤燥欬噴嚏此五藏證俱也呵欠頓悶肝也時發

驚悸心也乍涼乍熱手足冷脾也面赤腮頰赤噴嚏肺也惟
腎無候以在府下不能食穢故也凡瘡疹乃五藏毒若出歸
一證肝水疱肺膿疱心斑脾疹惟腎不食穢毒而無諸證瘡
黑者屬腎由不慎風冷而不飽內虛也又用抱龍丸數服愈
以其別無他候故未發出則見五藏證已出則歸一藏矣
海藏云本先因微寒入一句并由不慎風冷而不飽內虛一
句勿認作寒證當識用抱龍丸即知斑疹多熱也

治小兒壯熱昏睡傷風風熱瘡疹傷食皆相似未能辨認間服
升麻葛根湯惺惺散小柴胡湯甚驗蓋此數藥通治之不致
悞也惟傷食則大便酸臭不消化畏食或吐宜以藥下之
海藏云傷食宜以藥下之者當詳其所傷何物生硬寒熱不
等不可遽用巴豆之類大毒之藥下之升麻葛根湯太陽陽

明也惺惺散風熱咽不利脾不和少陽渴小便不利也小柴胡湯往來寒熱脅微痛少陽也然欲知其經當以脉別之小兒耳冷翕冷手足乍煖乍涼面赤時嗽時嚏驚悸此瘡疹欲發也未能辨認間服升麻湯消毒散已發未發皆宜服仍用胡荽酒黃柏膏暑月煩燥食後與白虎湯玉露散熱盛與紫雪咽喉或生瘡與甘桔湯甘露散餘依錢說大人小兒同治法惟劑小大不同耳

海藏云消毒散太陽藥白虎湯治身熱目疼鼻乾不得卧陽明藥也正爲泄時暑之劑甘露飲子肺腎藥也甘桔湯少陰藥也紫雪天門冬麥門冬黃芩地黃爲血劑玉露散肺腎藥石膏寒水石爲氣劑

升麻葛根湯

方在前保命小兒門內

海藏云太陽陽明之劑

惺惺散 治傷寒時氣風熱痰壅咳嗽及氣不和

桔梗

細辛 去葉

人參

甘草 炒

白茯苓 去皮

白朮

括婁根 各一兩

右同爲細末每服二錢水一盞入薄荷五葉煎至七分溫服如要和氣入生薑五片同煎用防風一分用川芎一分此又法海藏云此加減四味亦各隨經證也

消毒散 治瘡疹未出或已出未能勻遍又治一切瘡涼膈去痰

治咽喉痛

牛蒡子

二兩炒

甘草

半兩 荆芥穗 二分半

右同爲麤末每服三錢水一盞半去粗溫服

海藏云此前所註皆溫平之劑一法加防風薄荷

黃蘗膏 治瘡疹已出用此藥塗面次用胡荽酒外治法

黃蘗

壹兩

新棗豆

壹兩半

甘草

肆兩

右同爲細末生油調從目前至眼匡並厚塗之日三兩次如
早用瘡不至面縱有亦少

胡荽酒

胡荽細切四兩以好酒二盞煎一二沸入胡荽再煎

少時用物合足放冷右每吸一兩口微噴從頂至足勻遍勿
噴頭面病人左右常令有胡荽即能辟去汗氣瘡疹出快

四聖散

治瘡疹出不快及倒靨

紫草

茸

木通

剉

甘草

剉炒

枳殼

麩炒去穢

右同爲麄末每服一錢水一中盞煎至八分溫服無時

甘露飲子

治心胃熱咽痛口舌生瘡并瘡疹已發未發並可服

之又治熱氣上攻牙齦腫齒動搖

生地黄 熟地黄 天門冬法麥門冬心法 枇杷葉去毛

枳殼麸炒去穢 黃芩去心 石斛去苗 甘草剉炒 山茵陳葉

右各等分爲麋末每服二錢水一盞食後溫服牙齒則含嗽并服

海藏云甘露飲爲白劑

瀉青丸 方在保命小兒條下

海藏云東垣先生治癰後風熱毒翳膜氣暈遮睛以此劑瀉之大効初覺易治

補肝丸 四物湯內加防風羌活等分爲

細末煉蜜爲丸是也

鎮肝丸 瀉青丸去梔子大黃 治肝虛

地黃丸 治腎虛解顱即眩病也治脉毛而虛

熟地黄

捌分

山茱萸

乾山藥

澤瀉

牡丹皮

白茯苓

各肆分

右爲末煉蜜丸如桐子大三歲已下一二九或三五九空心溫水下

瀉腎丸

治脉洪而實前地黄丸熟地黄改生地黄去山茱萸是

也此治左手本部脉若右尺洪實以鳳髓丹瀉之此地黄丸仲景八味丸去桂附若加五味子腎氣丸也此益肺之原以生腎水焉

瀉白散

瀉肺脾熱目黃口不吮乳喘嗽

桑白皮

一兩剉炒黃

地骨皮

一兩

甘草

半兩炒

右爲細末每服一二錢水一盞入粳米百粒同煎食後服易老加黃連

海藏云治肺熱傳骨蒸自汗用此以直瀉之梔子黃芩亦能瀉肺當以氣血分之

阿膠散補肺

阿膠一兩半 麩炒 馬兜苓半兩 甘草二分半 炙 黍粘子二分半 炒香

杏仁七個 去皮尖 糯米

右爲末每服一二錢水一盞食後

海藏云杏仁本瀉肺非若人參天門冬麥門冬之補也當以意消息

導赤散泄丙 方在保命小兒條下

瀉心湯瀉丁

黃連一兩 去須

右爲極細末每服一字至半錢一錢臨卧溫水調下

海藏云易老單瀉心湯加減法出於此乃實邪也實則泄其子

益黃散補脾

青皮

呵子肉

甘草

各半兩

陳皮

壹兩

丁香

貳分

右爲細末每服一錢水一盞煎服

海藏云此劑瀉脾以燥濕

瀉黃散

瀉脾熱目黃口不能吮乳

藿香葉

柒分

山梔子仁

貳兩

石膏

半兩

甘草

叁兩

防風

肆兩

右剉同蜜酒微炒香爲細末每服一錢至二錢水一盞煎清

汁服

海藏云此劑瀉肺熱

白朮散

藿香葉

白朮

木香

白茯苓

甘草炒

人參

各二兩

乾葛

貳兩剉

右爲末每服一錢至二錢水煎如飲水者多煎與之
海藏云四君子湯加減法治濕勝氣脫泄利太過

生犀湯黃龍湯犀角地黄湯加減法

生犀錯取末 地骨皮 赤芍藥 柴胡

乾葛對各壹兩 甘草半兩炙

右爲末每服一二錢水煎

海藏云此少陽陽明相合也

宣風散

檳榔二个 橘皮 甘草各半兩 牽牛熟兩生

右爲極細末三二歲蜜湯調下半錢已上一錢食前易老加防風

海藏云與通膈九相上下氣血也

通膈九

大黃 牽牛 木通各等分

右爲細末滴水丸粟粒大每服三五十丸量虛實加減

異功散溫中和氣治吐泄思食凡小兒虛冷病先與數服以正其氣

人參

茯苓

白朮

甘草

陳皮

各等分

右爲細末每服二錢水一盞生姜五片棗二枚同煎海藏云四君子補脾湯加減法

涼驚丸

草龍膽

防風

青黛

研各三分龍腦壹分

釣藤

末貳分

黃連五分

牛黃

麝香

右爲細末麪糊丸粟米大每服一二十九金銀湯下

黃耆散

治盜汗

牡蠣

燒

黃耆

生地黃

各等分

右爲末水煎

連翹散

治一切熱兼治瘡疹有神

連翹

防風

梔子

甘草

右為末水煎

海藏云治熱在外而不厥此少陽藥也

化毒湯

治小兒瘡豆已出未出並可服之

紫草

升麻

甘草

各等分

右咬咀水二盞粳米五十粒同煎此乃陽明之藥也

紫草木通湯

治小兒瘡疹

紫草

木通

人參

茯苓

粳米

各等分

甘草

減半

右為末每服四錢水煎此小便不利之劑也

鼠粘子湯

治小兒瘡豆欲出未能得透皮膚熱氣攻咽喉眼赤

心煩

鼠粘子

炒四兩

荊芥穗

二兩

甘草

一兩

防風

半兩

右爲細末沸湯點服臨卧大利咽喉化痰涎止嗽老幼皆宜
海藏云太陽少陽藥也首論溫平者此也

活血散

治瘡子或出不快

白芍藥

一分

酒調如欲止痛只用溫熱水調下

海藏云張和之治四支出不快加防風大効此正的太陰藥也

如聖飲子

治小兒瘡疹毒攻咽喉腫痛

桔梗

一兩

甘草

生一兩

牛蒡子

炒一兩

麥門冬

去心半兩

右爲末竹葉同煎細細服

犀角地黃湯

方在拔粹內脉訣中

索古老人斑論

論曰斑疹之病其爲證各異瘡發焮腫於外者屬少陽三焦相

火也謂之癰小紅靨行皮膚之中不出者屬少陰君火也謂之疹凡顯癰證若自吐瀉者慎勿亂治而多言謂邪氣上下皆出也大凡瘡疹首尾皆不可下恐妄動而變此謂少陽通表宜和之也當先安裏解毒次微發之安和解毒須安五臟防風湯是也如大便不澀者須微發之藥錢氏方中甚多宜選用之如大過秘宜微利之當歸丸棗變百祥丸是也初知癰疹若使之癰疹併出小兒難禁是以別生他證也首尾不可下者首曰上焦尾曰下焦若能吐利猶不可下也便宜安裏若不吐瀉者先安裏藥三五服如能食而大便秘結內實者宜疎利之若內虛而利者宜用裏藥末後一服調微發之藥服之大抵安裏之藥多發表之藥少秘則微疎之令邪氣不壅併而能作當次使兒易禁也身溫煖者順身涼者逆二

者宜多服防風湯和之安裏若大便實秘能飲食而內實宜當歸丸微利之

解毒防風湯

防風 一兩

地骨皮

黃耆

芍藥

荊芥

枳殼

黍粘子

各半兩

右爲鹿末每服四五錢水煎

當歸丸

當歸

半兩

甘草

一分

黃連

大黃

各二分半

右先將當歸煨膏子入藥末二味爲丸漸加服之以利爲度

變百祥丸

治斑疹大便秘結

紅牙大戟

去骨一兩

青州棗

去核三十個

右用水一椀同煎至水盡爲度去大戟不用將棗焙乾可和作劑旋丸從小至多以利爲度

海藏老人斑論

夫斑之爲病皆由子在母腹中時浸漬食母血穢蘊而成毒皆太陰濕土壅滯君相二火之所作也因小兒真氣旣盛正氣又王邪無所容或因天冷或因傷表或因傷裏斑由是而生焉治當何如外者外治內者內治中外皆和其斑自出至於惡寒者發之表太熱者奪之渴者清之大便秘結者下之小便不通者利之驚者安之泄者分之可以執一爲哉大抵傷寒同治最爲高論隨經用藥不可闕也假令五日已裏諸病與斑疹不能別辨者不可疑作斑疹必須發之但各從其所傷應見治之皆不妨斑出若強發之其變不可勝數矣前人言首尾俱不可下者何也曰首不可下者爲斑未顯於表下則邪氣不得伸越此脉證有表而無裏故禁首不可下也尾不可下者爲斑毒已顯於外內無根蒂大便不實無一切裏